

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XXXV No. 20
Oktubre 21, 2004
www.philippinerevolution.org

Editoryal

Labing nagaluya ang AFP sa pagsungaw sang mga kagarukan sini



Pilit man takpan sang rehimeng US-Arroyo kag mga nagapamuno nga heneral sini, indi mapunggan ang pag-alingasaw sang mga dalagkuan nga korapsyon sa sulod sang Armed Forces of the Philippines (AFP), ilabi na sa kubay sang pinakamataas nga upisyal sini. Ang nagakabuyagyag nga dalagku nga mga kaso sang korapsyon patimaan sang latum sa tul-an nga kagarukan sang AFP.

Ang kagarukan sa sulod sang AFP amo ang direkta nga ginabunga sang pagka-mersenaryo kag pasista nga hangaway sini. Ang kagarukan sang ginapangapinan sini nga nagaharing sistema amo man ang kagarukan nga nagaluntad sa sulod sang kubay sang AFP. Ang AFP, ilabi na ang pinakamataas nga andana sini, ginharian sang mga milyunaryong heneral, lunsay mga buruk-rata kapitalista nga nagpamanggad gamit ang kapot nila nga gahum.

Ang daku nga korapsyon kag kriminalidad sang pinakamataas nga heneral sang AFP kag ang mga pagtinguha nga takpan ang mga ini nagadabuk sang malaparan nga kaakig sang pumuluyo nga labing nagakaantos. Ang kaakig sang pumuluyong Pilipino sa korapsyon sa sulod sang AFP pareho sang kaakig nila sa mangingil-ad nga korapsyon sang mga upisyal sang rehimeng Arroyo nga nagapagusa sa milyon-milyong piso nga kinawatan nga manggad samtang milyon-milyon ang lumos sa kamunoy sang kaimulon.

Ang korapsyon sang mga pinuno nga heneral sang AFP nagadabuk sang amo man nga kaakig sa kubay sang mga ordinaryong suldado kag manubo nga upisyal sang militar ilabi na sila ang pangunahon mga biktima sini. Samtang nagapagusa ang mga buy-unan nga heneral, ang mga ordinaryong suldado kag manubo nga upisyal militar ang nagaantos sa masami nga nagakaatrasar nga manubo nga sweldo, magagmay nga pensyon, kulang kag manubo nga kalidad sang mga kagamitan kag iban pa.

*Mga tampok sa
isyu nga ini...*

**Pinakaulihi nga mga
anomalya kag kaso
sg korapsyon sa AFP**

PAHINA 3

**Malubha nga krimen ni
Tabara**

PAHINA 5

**Food coupons, mumo
para sa ginagutom
nga pumuluyo**

PAHINA 6

Ginatay-og ang AFP kag rehi-meng US-Arroyo sang nagakabu-yagyag nga mga kaso sang korap-syon sang mga nagapamuno nga heneral. Labi sini nga ginapadalum ang banggianay kag pagkapihak-pihak sa sulod sang AFP. Labi ini nga magadabuk sang mga aksyong protesta sang mga ordinaryong suldado kag manubo nga upisyal sang AFP. Ginapahina sini ang iya determinasyon nga depensahan ang nagaharing sistema.

Wala ikasarang ang AFP ukon ang bug-os nga reaksyunaryong sistema nga maglimpyo sang kau-galingon. Duna sa subong nga sis-tema nga putson sang korapsyon ang militar kag burukrasya sibil.

Ang AFP ang pinakakonsolidado nga organisasyon sang mga reak-syunaryo nga nagapanguna nga tagasakdag kag tagapangapin sang subong nga sistema. Ang paghina sini nagakahulugan sang paghina sang depensa sang reaksyunaryong nagaharing sistema, ilabi na batuk sa pamahog sang nagabaskog nga armadong pagbatu kag di arma-dong pagbatu sang pigos nga pu-muluyong Pilipino. Amo gani nga nagakabalaka gid ang nagaharing sahi sa mga iskandalo nga nagatay-

og diri subong.

Pero sa mata sang pumuluyo, ang paghina sang AFP isa ka maayo nga bagay. Nagakahulugan ini sang paghina sang ikasarang sini nga manghalit kag mangpwersa sa pu-muluyo. Sa paghina sang AFP, na-padasig man ang pagdaug sang re-bolusyonaryong armadong kahubla-gan.

Responsibilidad sang mga rebo-lusyonaryong pwersa nga hingali-tan ang subong nga kinagamu sa sulod sang AFP kag labi pa nga padalumon ang banggianay sa kubay sang militar kag pulisya.

Pangunahon nga katungdanan sa atubang sini ang labi pa nga pagpasingki sang armadong rebo-lusyon. Sa partikular, kinahanglan ilunsar ang nagapadaku kag naga-pasunson nga mga taktikal nga opensiba. Kinahanglan pursigido nga pangitaon ang mahina nga ba-hin sang AFP kag PNP kag wala un-tat nga bunalan ang mga ini. Ang kada madinalag-on nga taktikal nga opensiba labing nagapahina sa pangsulod sang mga pwersa sang AFP kag PNP kag nagapaluga sa ila paghiliusa.

Kadungan sini, kinahanglan pursigido makig-angot sa mga ordi-

...pat-ud nga labi pa nga magagaruk ang militar kag pulisya kadungan sang pagkagaruk sang nagaharing sistema.



naryong elemento kag manubo nga upisyal sang AFP kag PNP nga na-gareklamo sa kagarukan sang orga-nisasyon sang militar kag pulisya. Mahimo naton sila buligan sa pag-tukod sang mga demokratikong or-ganisasyon sa sulod sang militar kag pulisya kag buyukon sila nga maghimo sang mga tago kag hayag nga ululupod nga paghulag agud pangapinan ang ila interes.

Sa nagtaliwan, ang amo nga pagpakig-angot sa mga ordinar-yong suldado kag pulis kag ila ma-nubo nga mga upisyal nagaserbi nga basehan para sa mas malapad nga angtanay kag pagbuligay.

Ang mga naangutan nga pwersa sa sulod sang militar, pulisya kag CAFGU, ilabi na yadtong mga ordi-naryong tinawo nga naghalin man sa kubay sang mga pigos nga sahi, mahimo buyukon nga magpartisipar sa rebolusyonaryong kahublagan. Mahimo sila magtukod sang likum nga sanga sang Kahublagan Lt. Crispin Tagamolila sa sulod sang ginapasakupan nga yunit, maglun-



Tuig XXXV No. 20 Oktubre 21, 2004

Ang *Ang Bayan* ginabantala sa leng-wahe nga Pilipino, Bisaya, Iloko, Hili-gaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga arti-kulo kag balita. Ginabuyok man ang mga bumalasa nga magpaabot sang mga saway kag rekomendasyon sa ika-uswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editorial

Labing nagaluya ang AFP sa mga kagarukan sini **1**

Pinakaulihi nga mga anomalya kag kaso sg korapsyon sa AFP **3**

Malubha nga mga krimen ni Tabara **5**

Food coupons, mumo para sa ginugutom nga pumuluyo **6**

Mga opensiba sg BHB **7**

Balita **9**

Ang *Ang Bayan* ginabantala duha ka beses kada bulan sang Komite Sentral sang Partido Komunista sang Pilipinas

sar sang mga pagtuon, magrekrut sang iban pa nga tinawo kag makig-buligay sa BHB.

Kalakip sa pagbuligay sa BHB ang paghatag sang mga suldado sang malahalon nga taktikal nga impormasyon nahanungod sa ila mga operasyon. Madamu na nga eksperensya kon sa diin bilog nga mga yunit sang CAFGU ukon bisan PNP ang likum nga nagakilala sa pagpamuno sang mga rebolusyonaryong organisasyon.

Buyukon man naton ang paghimo sang kampanya para bayaan ang garuk nga AFP, PNP kag CAFGU. Nahibal-an naton nga madamu sang mga ordinaryong tinawo sini ang nagapabilin dira bangud wala sang trabaho. Ipakita naton sa ila ang kahalitan kag kapintas nga ginatuga sang ila mga operasyon militar batuk sa pumulyo kag buyukan sila nga magpangita sang alternatibong pangabuhian.

Sa ginaatubang nga inadlaw, pat-ud nga labi pa nga magagaruk ang militar kag pulisya kadungan sang pagkagaruk sang nagaharing sistema. Sa pihak nga bahin, labi pa nga magabaskog ang inaway banwa samtang minilyun-milyon ang nagapasakup sa Bag-ong Hangaway sang Banwa kag iban pa nga rebolusyonaryong organisasyon. **AB**

Pinakaulihi nga anomalya kag kaso sang korapsyon sa AFP



Kuarenta ka *bank accounts* nga nagaunod sang milyun-milyong piso kag 53 ka malahalon nga salakyan. Pagpadala sang \$886,957 ukon halos ₱50 milyon (sa baylo nga \$1=₱56) sa US agud pangbayad sa ginbatal nga *condominium* sang iya anak sa New York. Isa pa ka insidente sang pagremit sang \$100,000 ukon ₱5.6 milyon sa US para ipanggasto sa luho kag manggaraan nga pagpangabuhin sang iya mga anak kag asawa didto. Sarisari nga propyedad kag manggad sa US nga nagabalor sang ₱79.42 milyon. Malahalon nga

mga balay sa Metro Manila kag Baguio, magarbo nga *resort* kag mga lugar-kalingawan kag plantasyon sa Iloilo.

Ang mga ini pila lamang sa mga iskandaluso nga detalye sang kinawat nga manggad ni Maj. Gen. Garcia, *comptroller* sang AFP halin 2001 tuhtub 2003. Madugay na nga nahibal-an sang kapareho nga heneral ang mga anomalya nga ini. Pero sini lamang nabuyag-yag sa publiko bangud sang ginhayag sang US ang insidente sang pagdakup sa anak ni Garcia bangud sa wala pagdeklarar sini sang dala nga \$100,000

pagsulod sa pungsod sadtong nagligad pa nga tuig. Sadto pa man waay huya nga gin-ako sang asawa ni Garcia nga ang mga ini halin sa ginbaton nila nga mga "pasalamat" sang mga pribadong kontraktor nga kasosyo sang AFP. Gintakpan ang insidente nga ini sang mataas nga upisyal sang AFP.

Wala sang nagapati nga si Garcia lamang ang nagapagusa sa pundo sang AFP. Ginpatikang niya ang pundo kag mga resorsa sang AFP katuwang ang nagapungko nga *chief of staff* sang AFP. Nagserbi siya bilang *comptroller* sa idalum sang lima ka heneral.

Pilit nga ginatabunan sang AFP ang nabalita nga ginhimo ni Garcia sa listahan sang mga heneral kag mga mamalidha nga nakabeneepisyo sa pundo sang AFP sa idalum sang iya pagserbisyo. Suno mismo sa mga upisyal sang AFP, ordinaryo para sa ila ang magpagguwa sang pundo para sa mga pulitiko, pareho sang ginhimo ni Garcia sa nagligad nga eleksyon kon sa diin nagpagguwa siya sang pundo para sa isa ka kandidato sa pagkapresidente.

Nagakadasma ang mga upisyal sang AFP kag pati ang rehimen agud pungan ang dugang nga pagbuyagyag sang mga anomalya kag mga kaso sang korapsyon kag pagpanguripon sa armadong kusog sa atubang sang iskandalo kay Garcia.

Isa na diri ang kwestyunableng paghabok sa manggad ni Secretary Gen. Angelo Reyes sang Department of Interior and Local Government (DILG) sadtong mag-alagad siya nga sekretaryo sang Depart-

ment of Defense. Madumduman ginpauntat ang mga kaso sang pagpanguripon batuk sa iya sadtong nagligad nga tuig makaligad siya magbiya sa pusisyon. Suno sa iya *statement of liabilities* pa lang, nagdaku sang ₱4.1 milyon ang iya manggad halin 2002 tubtub 2003. Sa panahon man nga ini, nakapatindog siya sang balay nga nagabalor sang ₱10 milyon kag nakabakal siya sang duha ka restawran sa Bulacan kag Cebu City.



Nagakadasma ang mga upisyal sang AFP kag pati ang rehimen agud pungan ang dugang nga pagbuyagyag sang mga anomalya kag mga kaso sang korapsyon kag pagpanguripon sa armadong kusog...

Dugang kay Reyes, duha pa ka heneral nga myembro sang kabine- te ni Arroyo ang natumod subong nga "benepisyaryo" sang pundo sang AFP. Yara sa listahan man ang mga heneral nga nagpalasik sang mga dolyar kag mga maluhu nga pagpangabuhi nga sanday Gen. Eduardo Ermita, Executive Secretary kag Gen. Leandro Mendoza paga- imbestigahan sang US subong ba- ngud sa ila dalagku nga *dollar*

accounts didto.

Iban pa nga mga anomalya kag kaso sang korapsyon kag pagpa- nguripon:

1) Isa ka heneral nga naghuga- kom sang masobra ₱400 milyon sa sulod lang sang ulihi nga apat ka tuig sang iya pagserbisyo sa AFP. Suno ini kay Ret. Com. Rex Robles nga myembro sang gintukod nga Feliciano Commission. Ang Felicia- no Commission ang gintugyanan nga mag-imbestigar sa mga gina- reklamo sang mga manu- bo nga upisyal nga nag- protesta sadtong nagli- gad nga tuig batuk sa lapnagon nga korapsyon sa sulod sang militar.

2) Ginbulsa sang mga heneral ang nagaa- bot sa ₱534 milyon nga pundo para sa rasyon nga bugas sang mga tropa sang AFP sa Min- danao. Bangud sini, wala na sang nabaton nga rasyon nga bugas ang mga tropa nila um- pisa pa sadtong Enero. Nagakuha man sang kik- bak ang parehong nga mga heneral halin sa pundo nga ginahatag sang US para sa Balika- tan. Ini suno sa duha ka kongresman nga nagsu- god man sa pag-imbes- tigar subong sa iban pa nga anomalya kag kaso sang korapsyon sa AFP sa Mindanao.

3) Duha ka heneral ang ginaka- suhan na sang pagpalsipika sang ila *birth certificate* kag ginaimbes- tigation bangud sa maluhu nga pagpangabuhi. Gindoktor nanday Maj. Ralph Flores kag Gen. Prospe- ro Ocampo ang ila *birth certificate* agud maglawig pa sang dugang nga tatlo ka tuig sa AFP kag mag- hugakum pa sang dugang nga kurakot.

AB

Malubha nga krimen ni Tabara

Pila ka simana matapos mapatay ang masupog nga kriminal kag kontra-rebolusyonaryong si Arturo Tabara, padayon gihapon nga nagakabuyagyag ang mga kasal-anan niya sa pumuluyo kag rebolusyonaryong hublag. Suno sa pinaulihi nga report, may sala si Tabara sa 19 ka kaso sang pagpatay kag indi magnubo sa 15 kaso sang pagpangholdap, pagpangawat, pagpangilkil kag paglapas sa tawhanon nga kinamatarung. Kadam-an sa mga krimen ginhimo sa Negros kag Panay kon sa diin nakapanghalit sing husto ang ginapamunuan niya nga RPA-ABB. Ano pa ang mga kasal-anan ni Arturo Tabara kag ngaa amo na lamang ang paghinugyaw sang pumuluyo kag rebolusyonaryong hublag sa Negros kag Panay sang mahibal-an nila nga natapos na ang ikasarang niya nga maghimo sang krimen kag magtuga sang kahalitan?

Ang masunod amo ang paghile-ra sang pila sa pinakamabug-at nga krimen ni Tabara:

Batuk sa rebolusyonaryong hublag

Sadtong katung-anan sang 1993, ginsulsulan ni Tabara ang pagribok sang mga natiplang niya nga katapu sang BHB sa Panay kag ginmanduan nga ipalagyo ang 170 mataas nga kalibreng armas. Ginmanduan niya sadtong Mayo 1994 sanday Daniel Batoy (alyas Mokong) kag Demetrio Capilastique (alyas Hugo) nga disarmahan ang isa ka tim sang BHB sa Barangay Bagacay, Tigbauan, Iloilo. Ginagaw sang mga kontra-rebolusyonaryong elemento ang duha ka M16, isa ka Garand kag isa VHF handset.

Sadtong Mayo 2001, nagpanaug sang mandu sanday Tabara kag Nilo de la Cruz sa RPA-ABB nga maglun-

sar sang mga armadong atake sa BHB. Bunga sini ang pagreyd sang gintingub nga pwersa sang 12th IB sang Philippine Army kag RPA-ABB sa isa ka tim sang BHB sa Barangay Osorio, Culasi, Antique sadtong Mayo 21. Napatay sa reyd nga ini sanday Rowena Torato kag Manny Oderio (Ka Cezar) kag malubha nga napilasan ang duha ka gerilya. Isa pa ka pilason nga Pulang hangaway ang nadakup sang kaaway.

Imbolbado man si Tabara sa pagdukot kay Ruben Saluta, isa ka



kadre sang Partido sadtong Nobyembre 22 kag pagtortur kag iligal nga pagdeteni sa iya sang mga operatiba sang AFP tubtub Disyembre 22, 1999.

Pila ka mabug-at nga krimen ni Tabara sa Panay halin 1994

Halin 1994 tubtub 1999, imbolbado si Tabara sa mga kaso sang pagpatay sa indi magnubo sa walo ka mangunguma sa tatlo ka separado nga banwa. Kadam-an sa mga biktima batuk ukon nagasuway sa mga kriminal nga aktibidad sang RPA-ABB.

Imbolbado man siya sa pagpatay kay Juanito Lutero sang Barangay Tambal, Janiuay, Iloilo sadtong 1999. Ginbayaran ang RPA-ABB sang daku nga kantidad sang kaaway sa

duta ni Lutero agud ini patyon.

Ara man ang pagpatay sa tatlo ka kabataang mangunguma sa Barangay Aquino sadtong 2000; sa duha ka anak nga lalaki ni Lucero Batoy sa Barangay Aparicio sadtong Marso 2001; kag sa negosyante nga si Boy Tesorero sang Makato, Aklan sadtong 2002.

Kahimbon man si Tabara kag RPA-ABB sa pagkidnap kay Leo Victor (Leovic) Gutierrez, isa ka *mountaineer* nga taga-Maynila, sadtong Pebrero 2003.

Sa Negros kag iban pa nga lugar

Bilang *security adviser* ni Eduardo (Danding) Cojuangco, Jr., responsible si Arturo Tabara sa pagbaligya sa serbisyo sang RPA-ABB para magserbi nga pribadong *goons* ni Cojuangco sa malaparan nga pagpang-agaw ang duta sa mga syudad sang Canlaon, Kabankalan, Sipalay, Bago kag La Carlota kag mga banwa sang Don Salvador Benedicto kag La Castellana, tana sa isla sang Negros.

Pangunahon nga responsible sanday Tabara kag Stephen Padua-no (alyas Carapali Lualhati) sa pagpangholdap sang RPA-ABB sa kwarta sang Municipal Treasurer's Office sang banwa sang Sta. Catalina, Negros Oriental nga nakadeposito sa isa ka bangko sa kaingodbanwa sang Bayawan sadtong Mayo 2002. Namatay diri sanday Lito Dagat, Virgie Edreal, Dondon Dinsay kag isa pa ka empleyado sang munisipyo.

Ginpaserbi niya nga *goons* ang RPA-ABB sang dinastiya nanday Nene de la Cruz kag asawa niyang si Cynthia nga subong alkalde sang Don Salvador Benedicto. Imbolbado man ang mga ini sa *illegal logging operations* sa nasambit nga banwa.

Nagserbi nga bayarang *goons* si Tabara kag ang RPA-ABB kay

Ignacio Arroyo, bayaw ni Pres. Gloria Macapagal-Arroyo kag iban pa nga reaksyunaryong pulitiko sa Negros sining nagligad nga eleksyon.

Nangilkil sanday Tabara sang P100,000 tubtub minilyun-milyong piso halin sa mga negosyane kag asyendero kag ginapagguwa nga ini rebolusyonaryong pagbuhis. Gingamit nila ang pangalan kag logo sang CPP/NPA/NDF kag ang lagda ni Ka Frank Fernandez, ang tagapamaba sang NDF-Negros, sa ginapadala nila nga mga surat ekstorsyon.

Sadtong 2002, aktibo nga nakig-angtananay ang RPA-ABB sa isa pa nga grupo sang mga manugpatay-tawo nga nagbansag sa kaugalingon nga Red Vigilante Group (RVG) kag ginapamunuan ni Ricardo Peralta. Sa Central Luzon ang kadam-an nga operasyon sini kag yara sa Bongabon, Nueva Ecija ang base. Ang RVG kapot man ni Gov. Tomas Joson III sang Nueva Ecija kag militar nagaserbi mga *gun-for-hire* kag imbolbado sa pagpangholdap, pagduso sang droga kag pagpangidnap.

Ginserbihan man sang RPA-ABB-RVG ang mga suod nga kaalyado ni Danding Cojuangco, Jr pareho sang mga Dy sang Isabela. Sila ang nagapatuman sang pagpang-agaw sang duta kag pagpamahog sa pumuluyo kag mga kaaway sang mga Dy sa pulitika. Ang grupo nga ini ang pumatay kay Jake Soriano, *coordinator* sang Bayan Muna sa Jones, Isabela kag Romy Blancaflor, isa ka negosyante sa banwa man sang Jones. Sila man ang responsible sa pagpanunog sa duha ka munisipyo sa Isabela sadtong eleksyon sang Mayo 2004.

Ginpaserbi man ni Tabara bilang bayarang *goons* sang mga *druglord* sa Boracay ang RPA-ABB.

AB

Food coupons sang rehimen, mumo para sa ginagutom nga pumuluyo

Bangud sa ginahatag sini nga mga palas-anon sa banwa, nakulbaan ang rehimen US-Arroyo sa kaakig sang ginagutom kag nagantantos nga pumuluyo. Gani pagkatapos sang pila ka tuig nga pagtabon ni Gloria Arroyo sa matuod nga kahimtangan nga ginabatas sang pumuluyo kag pagkatapos ang pila ka tuig nga pagpahambog bahin sa kuno mga kadalag-an sang rehimen sa patag sang ekonomya, ginpahayag ni Arroyo subong nga Oktubre nga managtag ini sang mga *food coupon* sa pinaka-imol nga pumuluyo. Ang pagpanagtag sang *food coupon* ginpahayag ni Arroyo isa ka adlaw nga makagguwa ang isa ka sarbey sang Social Weather Station nga nagasiling wala sang makaon ang 15.1% sang pumuluyo. Suno sa sarbey, isa sa pito ka pamilya sa bilog nga pungsod ang wala sang makaon sa minimum nga isa ka bes sa nagligad nga tatlo ka bulan.

Nakatalana nga ipatuman ang pangpahamot nga programa nga ini sang rehimen sa maabot nga Nobyembre. Pagapangunahan ini sang Department of Social Welfare and Development (DSWD) kag sang Department of Education (DepEd). Suno sa programa nga ini, igapanagtag ang mga *food coupon* sa mga eskwelahan. Tumuron kuno sang Dep Ed ang pinaka-imol nga eskwela nga pagahatagan sang mga *food coupon*. Ang mga *food coupon* mahimo kuno ibaylo sang bugas kag iban pa nga pagkaon sa National Food Authority kag mga pili nga tindahan. Gani sa sistema nga ini, ginapahigad ang tuman



kadamu nga numero sang mga pamilya nga indi makatuon bisan sa mga pangpubliko nga eskwelahan bangud sa sobra nga kaimulon.

Lubos nga nakapang-insulto ang proyekto nga ini sang rehimen. Sa sulod sang masobra tatlo ka tuig nga pag-alagad ni Gloria Arroyo, wala untat nga ginabunalan sini ang pumuluyo sang wala-tuo nga kabudlayan. Padayon sini nga ginansang ang sangkudot nga sweldo sang mamumugon kag sweldo sang mga ordinaryong empleyado. Ginapabay-an sang rehimen nga magtimbuok ang presyo sang mga produktong petrolyo, kuryente, pagkaon kag iban pa nga balaligyaon kag balayran. Padayon sini nga ginapatuman ang polisiya sang kontraktualisasyon kag ang malaparan nga pagpahalin sa trabaho. Ginasulong sini ang dugang nga palas-anon nga buhis. Padayon sini nga ginabandera ang mga polisiya sang li-

Sundan sa "Food coupons..." sa pahina 7



Mga taktikal nga opensiba, ginlunsar sa Southern Tagalog

Naglunsar ang Bag-ong Hanga-way sang Banwa (BHB) sang mga taktikal nga opensiba sa Laguna, Quezon kag Palawan sining Septyembre kag Oktubre nga nagresulta sang pagkamatay sang walo ka suldado.

Sa Laguna, duha ka suldado sang 1st IB ang namatay kag indi magnubo sa duha ang napilasan sang ambuson ang ila yunit sang isa man ka platun sang mga Pulang hangaway sang Nilo Hatol Command sang BHB sa Barangay Kalaminaue, Cavinti sadtong hapon sang Oktubre 13.

Ang mga suldado kabahin sa daku nga numero sang tropa nga pila ka adlaw na nga naga-operasyon sa lindero sang Laguna kag Quezon. Likum sa ila ihibalo, madugay na nga napaabot sang masa sa mga Pulang hangaway ang presensya sang kaaway, gani handa ang BHB sa ano man ang matabo nga away. Lakip sa ila paghanda amo ang pagplastar sang bomba.

Sang mag-abot ang militar, indi lang nga nasapurahan ang mga bomba kundi ginsumalang pa sila sang mga bala halin sa mataas nga kalibreng armas sang BHB. Pagkatapos sang away, hilway nga nakatras ang tanan nga Pulang hanga-

way, dala ang tanan nila nga kagamitan.

Para takpan ang ila kahuyanan, ginpagguwa sang 1st IB nga nakapatay sila sang duha ka Pulang hangaway sa operasyon nga paglagas sadtong kaaganhon sang Oktu-



bre 15. Ugaling suno sa Nilo Hatol Command, wala sang natabo nga inaway sa petsa nga nasambit kag wala ini sang kaswalti nga naan-kon. Sa isa ka interbyu, ginsiling ni Gregorio "Ka Roger" Rosal nga ang ginsugid sang 1st IB nga mga patay nga gerilya nga ila gindala sa

munisipyo sang Cavinti amo sanday Alberto Belena kag Clemente Calatrava, lunsay mga *treasure hunter* nga taga-Sariaya, Quezon nga nasumalang sang AFP samtang nagapauli sa Barangay Caldong sa kaingod nga banwa sang Sampaloc, Quezon.

Sa Quezon, ginreport sang Apolonio Mendoza Command ang duha ka madinalag-on nga operasyong isnayping sa Mauban sadtong Septyembre. Sadtong Septyembre 30, duha ka nagatambi nga suldado ang dungan nga nalapsan sang isa gid lang ka bala halin sa isnayper sang BHB sa Barangay Ilayang Bagumbungan. Sadtong Septyembre 19 naman, isa ka upisyal militar ang namatay sang isnaypingon siya sa Barangay Rosario. Wala na makabato ang upisyal kag nagpalupok lang ini nga wala direksyon bangud wala niya mahibal-an kon sa diin naghalin ang bala nga nag-igo sa iya.

Sa Palawan, tatlo ka elemento sang Philippine Marines ang napatay sa ambus nga ginlunsar sang BHB sa Barangay Bayumbungan, Taytay sining Septyembre 28. Gintigayon ang ambus samtang pabalik na sa ila hedkwarters ang mga suldado nga kabahin sa Task Force Malampaya. **AB**

"Food coupons..." halin sa pahina 6

beralisasyon, pribatisasyon kag deregulasyon sa dugang nga pagantos sang masang Pilipino. Matapos ang mga bunal nga ini, yari subong ang rehimen kag nagasiling magapanagtag ini sang pagkaon sa pumuluyo. Suno kay Arroyo, indi kuno matiis sang rehimen nga magutom ang pumuluyo gani magahatag ini sang mga *food coupon*. Pero

kon usisaon, ang rehimen ang naghatag sing labing kabudlayan kag pagkagutom sang pumuluyo. Tuyo lang sang proyekto nga ini ni Arroyo nga pataason ang nagsangyad sini nga popularidad. May duda man kon masaranggan sang bangkrap nga gubyrno ni Arroyo ang bilyun-bilyong piso nga kinahanglanon sini para ipatuman ang proyekto.

Husto lamang nga padayunon

sang pumuluyo ang ila mga paghimakas para sa mas matarung nga pangabuhian. Pasingkion ang paghimakas para sa mas mataas nga suhol kag sweldo. Pabaskugon ang pagpamatuk sa mga dugang nga buhis kag pagtaas sang mga bala-ligyaon kag balayran. Labaw sa tanan, magpasakup sa rebolusyonaryong paghimakas nga magatapos sa subong nga sistema nga nagagutom sa pumuluyong Pilipino. **AB**

Promosyon ni Palparan, ginpakamalaut

GINPAKAMALAUT sang Partido Komunista sang Pilipinas (PKP) ang promosyon bilang *major general* ni Brig. Gen. Jovito Palparan, ang ginabansagan "berdugo sang Mindoro." Sa isa ka pahayag, ginhambal ni Gregorio "Ka Roger" Rosal, tagapamaba sang PKP, nga ginalarawan sang promosyon ni Palparan ang teroristang gera sang rehimeng Arroyo: "Ginabiktima sini ang pumuluyo kag ginapadyaan ang mga pasistang idu-buang." Si Palparan ang kalakip sa 16 nga upisyal-militar nga may mas mataas nga ranggo umpisa sining Oktubre 20.

Luwas sa duguon nga rekord ni Palparan sa Mindoro, may mga kaso man siya nga pagpanal-beyds kag iban pa nga paglapas sa tawhanon nga kinamatarung sa Cordillera.

Siling ni Ka Roger, ginpat-ud sang rebolusyonaryong kahublagan nga maagum sang libu-libo nga biktima sang kapintas ni Palparan ang madugay na nila nga ginahandum nga hustisya.

Mga kabutigan militar sa Southern Mindanao, ginpangin-wala sang BHB

GINHIMUTIG sang Merardo Arce Command (MAC) sang Bag-ong Hangaway sang Banwa (BHB) sa Southern Mindanao ang ginapasinggitan sang 404th Infantry Brigade nga mapapas na ang BHB sa Compostela Valley sa sulod sang anum ka bulan bangud naubusan na kuno ini sang mga pinuno kag manubo na ang moral sini. Suno sa militar, ginbayaan na kuno sang isa ka kilala nga kumander sang BHB ang rebolusyonaryong kahublagan bangud sa pagpalagyo sini sang kwarta sang Partido kag nagapamanggad ini subong paagi sa iligal nga pagmina sang bulawan.

Sa iya pahayag sining Oktubre 11, ginsiling ni Rigoberto Sanchez, tagapamaba sang MAC, nga aktibo pa gihapon nga ginatungdan ni Ka Lando kag sang ginapamunuan niya nga yunit sang Pulang Bagani Command ang ila mga rebolusyonaryong hilikuton.

Ginahimutig man ni Sanchez ang ginawakal sang militar nga may siyam ka gerilya nga namatay sa depensiba nga natabo sa Pantukan, Compostela Valley sadtong Septyembre 22. Siling niya, duha lang ka hangaway ang napatay sa nasambit nga engkwentro. Gindakup kag gintortur man si Ka Jun-Jun Acog, isa ka Pulang hangaway, kag ginpilit ini mangin giya sa nasambit nga operasyon.

Kordon sang militar kag pulis, nalusutan sang BHB sa Tarlac

MADINALAG-ON nga nalusutan sang mga Pulang hangaway sang Nelson Mesina Command (NMC) sang Bag-ong Hangaway sang Banwa ang kordon sang 250 tropa sang militar sa isa ka walong ektarya nga tubuhan pagkatapos sang inaway sa Sityo Umangan, Barangay Balite, Pura, Tarlac sining Oktubre 18-19.

Suno kay Serafin Magdiwang, tagapamaba sang NMC, sa bulig sang pumuluyo nakabalik sa ila baseng gerilya ang tanan nga Pulang hangaway nga wala sing naangkon bisan isa ka kaswalti. Baliskad ini sa ginapahambog ni Lt. Col. Ricardo Visaya, kumander sang 69th IB, nga pito ka gerilya kuno ang ila napatay samtang ginapalibutan ang mga gerilya sang 69th IB, 703rd IBde, 312nd kag 313rd Police Mobile Group sang Tarlac PNP.

Rali sang mga mangunguma kag mamumugon sa Cavite, gimbungkag

ISA ka rali nga may 1,000 mangunguma, mamumugon kag mga myembro sang iban pa nga militanteng organisasyon ang pwersahan nga gimbungkag sang mga pulis kag bumbero sining Oktubre 18 sa Trece Martires City, Cavite. Ang rali, nga ginhiwat sa atubang sang kapitolyo sang Cavite ginlunsar agud pakamalauton si Gov. Ireneo Maliksi bangud sa pagpahanugot niya sa lapnagon nga pagkambyo-gamit sang duta kag mapi-guson nga pagpatikang sa mga industriyal nga engklabo sa prubinsya.

Suno sa Kamagsasaka-Ka, isa ka asosasyon sang mga mangunguma sa Cavite, nagakamatay ang pangabuhian sang mga mangunguma bangud ginatugutan ni Maliksi ang dalagku nga negosyante nga himuon mga subdibisyon kag mga engklabo pang-industriya kag pangkomersyo ang mga duta agrikultural. Suno naman sa Cavite Solidarity Workers, napaslawan si Maliksi nga proteksyunan ang interes sang mga mamumugon sa mga industriyal nga engklabo.

Ginpalayas man sang mga demonstrador ang mga pwersa sang Philippine Marines kag Philippine Air Force sa banwa sang Maragondon, nga siling nila nagasabwag sang terorismo didto.

Samtang, libu-libo nga mangunguma sa pagpamuno sang Kilusang Magbubukid ng Pilipinas ang nagrali sa Metro Manila, Masbate, Legaspi City kag iban pa nga bahin sang Pilipinas sining Oktubre 21 agud pakamalauton ang mga polisiya sang rehimeng Arroyo nga nagabungang sang lapnagon nga kagulutmon sa pungsod.

Lider sang Anakpawis sa Leyte, ginpatay

GINPUT-AN kag napatay si Samuel Bandilla, 45, *regional coordinator* sang partido Anakpawis sa Leyte, sadtong gab-i sang Oktubre 15 sa Tacloban City. Si Bandilla ang pang-anum na sa mga *coordinator* sang Anakpawis nga pinatay halin Nobyembre 2003.

Malubha nga napilasan kag yara sa ospital ang isa pa nga upod ni Bandilla nga si Engr. Bernardo Devaras, 42. Si Devaras ang nagamaneho sang motor-siklo nga ginaangkanan ni Bandilla sang luthangon sila sang duha ka di-kilala nga tawo. Mapauli na sila halin sa isa ka piket sang mga empleyado sa *compound* sang Leyte Metropolitan Water District (LMWD) sa Barangay Mabini.

Pila ka adlaw na nga nagapiket ang mga empleyado batuk sa pagpahalalan sang maneydsment sang LMWD sa 25 empleyado sini sadtong una nga simana sang Oktubre. Ang pilason nga si Devaras ang isa sa mga ginpahalalan nga empleyado.

Ang paghulag sang mga empleyado ginsuportahan sang Kilusang Mayo Uno-NAFLU, kon sa diin *coordinator* man si Bandilla para sa Metro Tacloban. Mabaskog nga ginpakamalaut nanday Bandilla kag Devaras ang maneydsment sang LMWD sa nasambit nga piket, partikular ang maanomalya nga pagpatikang sang manedyer sini ng si Ranulfo Feliciano, nga kilala man sa pagmentenar sang madamu nga *goons*.

Antes sini, sige-sige man ang mga paghulag batuk kay Feliciano, sa serye sang pagtaas sang sukot sa tubig kag sa indi maayo nga serbisyo sang LMWD.

Pagpataas sang presyo sang humay, gina-insister

GINDUMOG sang mga myembro sang Alyansa sang mga Magbubukid sa Gitnang Luzon (AMGL) ang pangrehiyon nga upisina sang Department of Agriculture (DA) sa San Fernando, Pampanga sining Oktubre 15 agud ipamilit ang pagpataas sa presyo sang humay halin P8 pakadto P15 kada kilo.

Suno sa AMGL, isa ka dekada nga nakalansang sa P6 tubtub P7.50 kada kilo ang presyo sang humay samtang padayon ang pagtaas sang presyo sang abono. Sa pihak nga bahin, ginapabay-an sang gubyerno ang mga myembro sang mga kartel nga magbaligya sang bugas sa presyo nga nagaabot sa P24 kada kilo.

Sa tigaylo nga suportahan sini ang lokal nga agrikultura paagi sang paghatag sang subsidyo sa mga nagatanum sang palay, ginaduso sang gubyerno ang importasyon sang sang bugas kag paggamit sang hybrid nga mga binhi nga matuod nagabuga sang mas mataas nga ani mas magasto katama bangud obligado nga magbakal sang binhi sa kada pagtanum ang mga mangunguma, siling sang AMGL.

Sa kaangot nga balita, nagpiket ang masobra 50 mangunguma sa upisina sang National Irrigation Administration (NIA) sa Sto. Tomas, Pampanga sining Oktubre 13 agud ipamilit ang paghatag sa ila sang bayad-danyos para sa kadutaan nga nalunod sa tubig halin nga ginsuguran ang operasyon sang Cong Dadong Dam sa Arayat sadtong 2002. Ang dam, nga ginkuha sa pangalan halin sa amay ni Gloria Arroyo nga si Diosdado (Cong Dadong) Macapagal, naglunod sa 93 ektaryang kadutaan nga daan ginatamnan sang kamatis kag mais sang 81 agsador. Suno sa mga agsador, ginbayran lang sila sang P5 kada metro kwadrado (ukon P50,000 kada ektarya) samtang ginpromisahan sila sang NIA sang P15 kada metro kwadrado ukon P750,000 kada ektarya.

Pagpamigos sa masmidya sa Eastern Visayas, ginkundenar

MABASKOG nga ginkundenar sang National Democratic Front sa Eastern Visayas (NDF-EV) ang pagpamigos sang militar sa mga katapu sang midya nga nagtambong sa *press conference* sang NDF-EV sadtong Abril.

Sa isa ka pahayag sining Oktubre 7, ginpakamalaut ni Fr. Santiago Salas, tagapamaba sang NDF-EV, ang 8th ID bangud ginaakusahan sini nga "nagaupod-upod sa kaaway" ang nasambit nga mga tagamidya. Ginbawalan man ni Maj/. Neneveigh Alcovindas, *civil relations chief* sang 8th ID, nga makig-angot ang mga tagamidya sa mga "kaaway sang estado."


Nanawagan si Fr. Salas sa masmidya sa rehiyon nga manindugan para sa kahilwayan sang pagpahayag kag pamatukan ang pagpamigos militar.

39 milyon nga Amerikano, ginakulabos

NAGAABOT sa 39 ka milyon nga Amerikano, lakip ang 20 ka milyon nga bata, ang ginakulabos. Ini suno sa isa ka pagtuon sang ginhimo sang Annie E. Casey, Ford at Rockefeller foundations nga ginpagguwa sining Oktubre 12.

Siling sini, ang mga ginakulabos nagakita sang mas manubo sa nagakadapat nga \$8.84 kada oras para disente makapangabuhi ang isa ka pamilya nga may apat ka tawo. Sa subong, ang minimum nga suhol sa US \$5.15 kada oras.

Pat-ud nga mas malala pa subong ang kahimtangan bangud ang datos nga gingamit para sa pagtuon ginbase pa sa resulta sang sensus sang US sadtong 2002.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XXXV No. 20
Oktubre 21, 2004
www.philippinerevolution.org

Editoryal

Labing nagaluya ang AFP sa pagsungaw sang mga kagarukan sini



Pilit man takpan sang rehimeng US-Arroyo kag mga nagapamuno nga heneral sini, indi mapunggan ang pag-alingasaw sang mga dalagkuan nga korapsyon sa sulod sang Armed Forces of the Philippines (AFP), ilabi na sa kubay sang pinakamataas nga upisyal sini. Ang nagakabuyagyag nga dalagku nga mga kaso sang korapsyon patimaan sang latum sa tul-an nga kagarukan sang AFP.

Ang kagarukan sa sulod sang AFP amo ang direkta nga ginabunga sang pagka-mersenaryo kag pasista nga hangaway sini. Ang kagarukan sang ginapangapinan sini nga nagaharing sistema amo man ang kagarukan nga nagaluntad sa sulod sang kubay sang AFP. Ang AFP, ilabi na ang pinakamataas nga andana sini, ginharian sang mga milyunaryong heneral, lunsay mga buruk-rata kapitalista nga nagpamanggad gamit ang kapot nila nga gahum.

Ang daku nga korapsyon kag kriminalidad sang pinakamataas nga heneral sang AFP kag ang mga pagtinguha nga takpan ang mga ini nagadabuk sang malaparan nga kaakig sang pumuluyo nga labing nagakaantos. Ang kaakig sang pumuluyong Pilipino sa korapsyon sa sulod sang AFP pareho sang kaakig nila sa mangingil-ad nga korapsyon sang mga upisyal sang rehimeng Arroyo nga nagapagusa sa milyon-milyong piso nga kinawatan nga manggad samtang milyon-milyon ang lumos sa kamunoy sang kaimulon.

Ang korapsyon sang mga pinuno nga heneral sang AFP nagadabuk sang amo man nga kaakig sa kubay sang mga ordinaryong suldado kag manubo nga upisyal sang militar ilabi na sila ang pangunahon mga biktima sini. Samtang nagapagusa ang mga buy-unan nga heneral, ang mga ordinaryong suldado kag manubo nga upisyal militar ang nagaantos sa masami nga nagakaatrasar nga manubo nga sweldo, magagmay nga pensyon, kulang kag manubo nga kalidad sang mga kagamitan kag iban pa.

*Mga tampok sa
isyu nga ini...*

**Pinakaulihi nga mga
anomalya kag kaso
sg korapsyon sa AFP**

PAHINA 3

**Malubha nga krimen
ni Tabara**

PAHINA 5

**Food coupons, mumo
para sa ginagutom
nga pumuluyo**

PAHINA 6

Mga instruksyon sa pag-imprenta

1. Ang sinundan nga pahina, nga eksakto nga kopya sang pahina 1 maluwas sa mas malus-aw ang *masthead* ukon *logo* amo ang para sa mga nagagamit sang *mimeo machine* ukon naga-imprenta paagi sa *v-type*. Gindisenyo ini para indi madali masamad sang istensil.

2. Pag-imprenta sa istensil:

- a) Sa *print dialog*, i-check ang **Print as image**
- b) Kuhaon ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Siguruhon naka-set sa **100%** ang **Scaling**
- d) Padayunon ang *pag-print*

3. Ginabuyok ang mga kaupod nga ipaabot sa patnugutan sang *AB* ang anuman nga problema kaangot sa pag-imprenta paagi sang *v-type*. Magpadala sang *e-mail* sa *angbayan@yahoo.com*